

Z A P I S N I K

sa IX redovne sjednice Vijeća Univerziteta u Sarajevu - Građevinski fakultet, održane dana 13.04.2026. godine, sa početkom u 12.00 sati, u sali 8 nastavne zgrade Fakulteta, ul. Patriotske lige br. 30.

PRISUTNI ČLANOVI:

Nastavnici i saradnici:

Prof.dr.Samir Dolarević, Prof.dr.Admir Mulahusić, Prof.dr.Azra Kurtović, Prof.dr. Đenari Čerimagić, Prof.dr.Amra Serdarević, Prof.dr.Suvada Šuvalija, Prof.dr.Emil Ilić-Georgijević, Prof.dr.Naida Ademović, Prof.dr.Mirza Pozder, Prof.dr.Sanjin Albinović, Prof.dr.Nedim Tuno, Prof.dr. Jusuf Topoljak, Prof.dr.Anis Balić, Prof.dr.Suada Sulejmanović, Prof.dr.Goran Simonović, Prof.dr.Žaneta Ljevo, Prof.dr.Adis Skejić, Prof.dr.Hata Milišić, Prof.dr.Ismar Imamović, Prof.dr.Senad Medić, Prof.dr.Haris Kalajdžisalihović, Prof.dr. Emir Karavelić, Prof.dr.Emina Hajdo, Doc.dr.Dževad Krdžalić, Doc.dr. Džanina Omićević, Doc.dr. Esad Vrce, Doc.dr.Ammar Šarić, Doc.dr.Ajla Mulaomerović-Šeta, Doc.dr. Nerma Lazović, Doc.dr.Alma Džubur, Doc.dr.Adis Hamzić, Doc.dr.Adi Muminović, Doc.dr. Samir Suljević, Viši asistent Mladen Kapor (Geot.i geol.), Viši asistent Damir Hasanspahić (Mat.), Viši asistent Nedim Kulo (G), Viši asistent Muamer Đidelića (G), Viši asistent Dževad Imamović (H), Asistentica Amila Mujčinović (Geot. i geol.), Asistentica Amina Karavelić - Hadžimejlić (K), Asistentica Selma Spahić (S), Asistentica Alma Tabaković Aganagić (G)

Predstavnik nenastavnog osoblja: Mersiha Kvoco

Studenti: Emel Šarvala, Željko Lozančić

Ostali prisutni: sekretar Sabina Bajrić, dipl.prav.

ODSUTNI ČLANOVI:

Nastavnici i saradnici:

Prof.dr.Mustafa Hrasnica, Prof.dr.Esad Mešić, Prof.dr. Emina Hadžić

Predstavnik nenastavnog osoblja: -----

Studenti: Bakir Komarica

Dekan predlaže sljedeći dopunjen

D N E V N I R E D:

- I Usvajanje Zapisnika sa VIII redovne sjednice Vijeća Univerziteta u Sarajevu – Građevinski fakultet, održane 10.03.2026.godine.
- II Izvještaj Komisije za pripremanje prijedloga za izbor u zvanje redovni profesor za naučnu oblast "Konstrukcije", jedan izvršilac sa punim radnim vremenom;
- III Prijedlog Pravilnika o pravu na troškove službenih putovanja, kotizacija za naučne i stručne skupove ili članarina u naučnim i strukovnim udruženjima
- IV Prijedlog Komisije za izdavačku djelatnost o utvrđivanju cijena knjige «Vrednovanje projekata saobraćajne infrastrukture – teorijski okvir sa praktičnim primjerima», autora prof.dr. Suade Sulejmanović, dipl.inž.građ.
- V Prijedlog Odsjek za konstrukcije za promjenu člana Komisije za odbranu završnog rada studentice Mirhe Jahić;

- VI Saglasnost za pokretanje postupka za izdavanje u zakup i raspisivanje javnog oglasa za prikupljanje ponuda za izdavanje u zakup poslovnog prostora kojem u toku 2026. godine ističe ugovor o zakupu.
- VII Izvještaj Komisije za ocjenu i odbranu završnog rada:
 - a) Odsjek za geodeziju i geoinformatiku – student Mirza Abaza
 - b) Katedra za geotehniku i geološko inženjerstvo – student Faris Isak
- VIII Utvrđivanje prijedloga za raspisivanje konkursa za izbor u akademsko saradničko zvanje: asistent za naučnu oblast "Geotehnika i geološko inženjerstvo" – jedan izvršilac sa punim radnim vremenom;
- IX Nominacija za nagradu za mlade istraživače Dunavskog regiona
- X Razno

Ad/I

Članovi Vijeća su pozvani da se izjasne o Zapisniku sa VIII redovne sjednice Vijeća Univerziteta u Sarajevu – Građevinski fakultet, održane 10.03.2026. godine.

Na Zapisnik sa VIII redovne sjednice Vijeća Univerziteta u Sarajevu – Građevinski fakultet, održane 10.03.2026. godine, nije bilo primjedbi, te je isti jednoglasno usvojen.

Ad/II

Komisija za pripremanje prijedloga za izbor/napredovanje u naučnonastavno zvanje redovni profesor za naučnu oblast «Konstrukcije», imenovana Odlukom Vijeća u sastavu: 1.) Dr.sc. Mustafa Hrasnica, dipl.inž. građ.,redovni profesor Univerziteta u Sarajevu–Građevinski fakultet (naučna oblast: „Konstrukcije“), predsjednik Komisije; Dr.sc. Esad Mešić, dipl.inž.građ.,redovni profesor Univerziteta u Sarajevu–Građevinski fakultet (naučna oblast:„Konstrukcije“), član Komisije; Dr.sc.Samir Dolarević, dipl.inž.građ.,redovni profesor Univerziteta u Sarajevu–Građevinski fakultet (naučna oblast: „Konstrukcije“), član Komisije, podnijela je pisani Izvještaj Vijeću.

Komisija je konstatovala da se na Konkurs za napredovanje u naučnonastavno zvanje redovni profesor za naučnu oblast «Konstrukcije», objavljen dana 03.02.2026.godine u dnevnim novinama “Dnevni avaz” i web stranici Univerziteta u Sarajevu – Građevinski fakultet i Univerziteta u Sarajevu, u utvrđenom roku, prijavio kandidat dr.sc. Goran Simonović, dipl.inž.građ. i da je prijava imenovanog potpuna, prema uvjetima konkursa za napredovanje u naučnonastavno zvanje redovan profesor i prema odredbama Zakona o visokom obrazovanju ("Sl.novine Kantona Sarajevo", br.33/17,35/20,40/20, 39/21) i Statuta Univerziteta u Sarajevu od 28.11.2018. godine, te pripremila Vijeću Univerziteta u Sarajevu - Građevinski fakultet Izvještaj sa zaključkom i prijedlogom za napredovanje.

Komisija je, nakon uvida u priloženu dokumentaciju, dosadašnji naučni, stručni i pedagoški rad kandidata, u svom Izvještaju konstatovala da dr.sc. Goran Simonović, dipl.inž.građ. ispunjava sve formalne i suštinske uvjete za izbor/napredovnje u naučnonastavno zvanje redovni profesor, utvrđene odredbama Zakona o visokom obrazovanju ("Sl.novine Kantona Sarajevo", br.: 33/17, 35/20, 40/20, 39/21) i Statutom Univerziteta u Sarajevu broj: 01-1093-3-1/18 od 28.11.2018.godine, da ima veliko iskustvo u nastavnom, stručnom, pedagoškom i naučnoistraživačkom polju rada, te da ima značajan broj objavljenih stručnih radova iz oblasti “Konstrukcije”.

Komisija je predložila Vijeću Univerziteta u Sarajevu – Građevinski fakultet da usvoji Izvještaj Komisije za pripremanje prijedloga za napredovanje u naučnonastavno zvanje redovni profesor za naučnu oblast «Konstrukcije» i utvrdi prijedlog da se dr.sc. Goran Simonović, dipl.inž.građ. izabere u naučnonastavno zvanje redovni profesor za naučnu oblast «Konstrukcije» na Univerzitetu u Sarajevu – Građevinski fakultet.

Nakon upoznavanja sa Izvještajem Komisije za pripremanje prijedloga za izbor u naučnonastavno zvanje redovni profesor za naučnu oblast «Konstrukcije» i tajno provedenog glasanja, Vijeće Univerziteta u Sarajevu–Građevinski fakultet je sa većinom glasova od ukupnog broja članova Vijeća (44 glas “ZA”) donijelo sljedeću

ODLUKU

I

Usvaja se Izvještaj Komisije za pripremanje prijedloga za izbor/napredovanje u naučnonastavno zvanje redovni profesor za naučnu oblast «Konstrukcije», zaveden pod brojem: 03-2-2481-11/25 od 19.03.2026.godine.

II

Utvrđuje se prijedlog za izbor *dr.sc. Gorana Simonovića, dipl.inž.građ. u naučnonastavno zvanje redovni profesor za naučnu oblast «Konstrukcije» na Univerzitetu u Sarajevu – Građevinski fakultet.*

III

Odluku dostaviti Senatu Univerziteta u Sarajevu na dalji postupak.

Ad/III

Nakon primjedbe prof.dr.Sanjina Albinovića, dipl.inž.građ. na Prijedlog Pravilnika o pravu na troškove službenih putovanja, kotizacija za naučne i stručne skupove ili članarina u naučnim i strukovnim udruženjima, dekan je predložio da se o navedenom Prijedlogu Pravilnika ne odlučuje, da se ponovo održe sastanci zaposlenika na odsjecima i katedrama, te da se utvrde primjedbe na isti. Vijeće je prihvatilo prijedlog dekana.

Ad/IV

Na Prijedlog Komisije za izdavačku djelatnost, Vijeće je donijelo sljedeću

ODLUKU

Utvrđuju se cijene knjige pod nazivom «Vrednovanje projekata saobraćajne infrastrukture – teorijski okvir sa praktičnim primjerima», autora prof.dr. Suade Sulejmanović, dipl.inž.građ., kako slijedi:

- a) 30,00 KM (trideset KM) za studente Univerziteta u Sarajevu – Građevinski fakultet
- b) 40,00 KM (četrdeset KM) za ostale kupce

Ad/V

Odsjek za konstrukcije je iz opravdanih razloga dostavio Vijeću Prijedlog za izmjenu predsjednika Komisije za ocjenu i odbranu završnog rada studentice Mirhe Jahić, na II ciklusu studija studijskog programa Građevinarstva, smjer konstrukcije.

Imajući u vidu zakonske mogućnosti i uz saglasnost prodekana za nastavu, Vijeće je donijelo sljedeću

ODLUKU

Utvrđuje se promjena sastava Komisije za ocjenu i odbranu završnog rada pod nazivom „Modeliranje zidanih konstrukcija primjenom programa SAP2000“ studentice Mirhe Jahić, kako slijedi:

- raniji predsjednik Komisije: emeritus prof.dr. Muhamed Zlatar, dipl.inž.građ.
- nova predsjednica Komisije: prof.dr. Emina Hajdo, dipl.inž.građ.

U skladu sa s prethodim stavom ovog člana, Komisija za ocjenu i odbranu završnog rada studentice Mirhe Jahić, na II ciklusu studija studijskog programa Građevinarstva, smjer konstrukcije je u sastavu:

1. Prof.dr. Emina Hajdo, dipl.inž.građ., predsjednica
2. Prof.dr. Naida Ademović, dipl.inž.geod., mentor i član
3. Prof.dr. Goran Simonović, dipl.inž.građ., član

Ad/VI

Na prijedlog Komisije za poslovne prostore, Vijeće je donijelo sljedeću

O D L U K U

I

Prihvata se prijedlog Komisije za poslovne prostore Univerziteta u Sarajevu – Građevinski fakultet i daje se saglasnost da se, po isteku postojećeg ugovora o zakupu poslovnog prostora, ponovo pokrene postupak za izdavanje i raspisivanje javnog oglasa za prikupljanje ponuda za izdavanje u zakup sljedećeg poslovnog prostora po navedenim uslovima:

- 1.) a) Poslovni prostor koji se nalazi u koji se nalazi u suterenskom dijelu objekta Instituta za materijale i konstrukcije Univerziteta u Sarajevu – Građevinski fakultet, u ulici Stjepana Tomića 5, k.č. br. 40/18, općina Centar, katastarska općina Sarajevo IV, koji se sastoji od 1 (jedne) kancelarije ukupne površine 20,00 m², s pravom korištenja zajedničkih prostorija u objektu.
- b) Početni iznos mjesečne zakupnine iznosi 15,00 KM/m² bez PDV-a. U cijenu mjesečne zakupnine uračunati su troškovi komunalnih naknada: potrošnja električne energije, grijanja, vode i odvoza smeća.
- c) Navedeni prostor će biti iznajmljen u zatečenom stanju na period od tri (3) godine.
- d) Prostor će se koristiti kao kancelarijski prostor za obavljanje inženjerske djelatnosti i s njima povezano tehničko savjetovanje u okviru registrovane djelatnosti.

II

Poslovni prostor koji je predmet zakupa će biti namjenjen za obavljanje djelatnosti u skladu sa prijedlogom Komisije za poslovne prostore Univerziteta u Sarajevu – Građevinski fakultet.

III

Poslovni prostor će biti iznajmljen nakon okončanja postupka oglašavanja i provođenja utvrđene procedure u skladu sa pozitivnim zakonskim propisima i propisima Univerziteta u Sarajevu iz predmetne oblasti.

IV

Početni iznosi zakupnine naveden u prijedlogu Komisije za poslovne prostore Univerziteta u Sarajevu - Građevinski fakultet u skladu je sa pozitivnim zakonskim propisima i podzakonskim aktima iz predmetne oblasti.

Ad/VII

Vijeće je donijelo sljedeće odluke:

a)

O D L U K U

I

Usvaja se Izvještaj Komisije za ocjenu i odbranu završnog rada studenta II (drugog) ciklusa studijskog programa Građevinarstvo, smjer Geotehnika, Farisa Isaka, pod naslovom "Analiza ponašanja temeljnih konstrukcija objekata visokogradnje na kosinama" zaveden pod brojem: 06-2-676-1/26 od 10.04.2026. godine.

II

Prihvata se završni rad studenta Farisa Isaka, pod naslovom "Analiza ponašanja temeljnih konstrukcija objekata visokogradnje na kosinama" (Izvještaj Komisije zaveden pod brojem: 06-2-676-1/26 od 10.04.2026. godine) i odobrava odbranu završnog rada.

b)

O D L U K U

I

Usvaja se Izvještaj Komisije za ocjenu i odbranu završnog rada studenta II (drugog) ciklusa studijskog programa Geodezija i geoinformatika, Mirze Abaza, pod naslovom "Analiza sentinel i landsat satelitskih snimaka za potrebe detektovanja trendova urbanog rasta Grada Sarajeva" zaveden pod brojem: 06-2-665-1/26 od 09.04.2026. godine.

II

Prihvata se završni rad studenta Mirze Abaza, pod naslovom "Analiza sentinel i landsat satelitskih snimaka za potrebe detektovanja trendova urbanog rasta Grada Sarajeva" (Izveštaj Komisije zaveden pod brojem: 06-2-665-1/26 od 09.04.2026. godine) i odobrava odbrana završnog rada.

Ad/VIII

Katedra za geotehniku i geološko inženjerstvo je utvrdila nastavnu potrebu za prijem u radni odnos asistenta za naučnu oblast "Geotehniku i geološko inženjerstvo", jedan izvršilac sa punim radnim vremenom, te je predložila da Vijeća utvrdi prijedlog i pokrene proceduru za raspisivanje konkursa za izbor u akademsko saradničko zvanje asistent za naučnu oblast „Geotehnika i geološko inženjerstvo“, jedan izvršilac sa punim radnim vremenom.

U skladu sa Odlukom Vijeća o usvajanju Dinamičkog plana potreba za raspisivanje konkursa na Univerzitetu u Sarajevu–Građevinski fakultet za izbor u zvanje za 2025./2026. studijsku godinu i Odluke o usvajanju Izmjena i dopuna Dinamičkog plana potreba za raspisivanje konkursa na Univerzitetu u Sarajevu–Građevinski fakultet za izbor u zvanje za 2025./2026. studijsku godinu, Vijeće je donijelo sljedeću

ODLUKU

o utvrđivanju prijedloga za raspisivanje konkursa

I

Utvrđuje se prijedlog za raspisivanje konkursa za izbor u akademsko saradničko zvanje:

- asistent za naučnu oblast „Geotehniku i geološko inženjerstvo“, jedan izvršilac sa punim radnim vremenom.

II

Nastavnu potrebu za raspisivanje konkursa za izbor u akademsko saradničko zvanje asistent za naučnu oblast „Geotehnika i geološko inženjerstvo“, jedan izvršilac sa punim radnim vremenom, utvrdila je Katedra za geotehniku i geološko inženjerstvo Univerziteta u Sarajevu–Građevinski fakultet.

III

U Dinamičkom plana potreba za raspisivanje konkursa na Univerzitetu u Sarajevu–Građevinski fakultet za izbor u zvanje za 2025./2026. studijsku godina br.: 02-1-1309-1/25 od 02.07.2025. godine i Izmjenama i dopunama Dinamičkog plana potreba za raspisivanje konkursa na Univerzitetu u Sarajevu–Građevinski fakultet za izbor u zvanje za 2025./2026. studijsku godina br.: 02-1-406-1/26 od 10.03.2026.godine u Tabela 3. KONKURSI ZA POPUNJAVANJE UPRAŽNJENIH RADNIH MJESTA - redni brojevi pod kojim se nalazi pozicija koja se predviđa konkursom za izbor koji je predmetom razmatranja grupacije/Senata je **PET (5)**.

IV

Pored opštih uslova propisanih Zakonom o radu FBiH, potrebno je da kandidat ispunjava uslove iz člana 112. stav (2). tačka a) Zakona o visokom obrazovanju ("Sl. novine Kantona Sarajevo" br. 36/22, 28/25):

- odgovarajući univerzitetski stepen s najmanje 240 ECTS bodova i najnižom ocjenom 8 ili 3,5 ili VII stepen studija po predbolonjskom sistemu studija s najnižom prosječnom ocjenom 8.

V

Postupak izbora akademskog osoblja, odredbe o značenju pojmova, načinu vrednovanja prilikom izbora u zvanje, kao i ostali bitni elementi za izbor u zvanje, navedeni su u Zakonu o visokom obrazovanju Kantona Sarajevo ("Sl. novine Kantona Sarajevo", br.: 36/22, 28/25) i u Statutu Univerziteta u Sarajevu (br.01-14-35-1/23 od 26.07.2023. godine),

Prijem u radni odnos saradnika će se realizovati u okviru projekta sufinansiranja zapošljavanja u skladu sa *Ugovorom o sufinansiranju zapošljavanja između Federalnog zavoda za zapošljavanje Sarajevo i Univerziteta u Sarajevu.*

VI

Odluku dostaviti na saglasnost Senatu Univerziteta u Sarajevu.

Ad/IX

Vijeće je poznato da je Služba za naučno istraživački rad Univerziteta u Sarajevu dostavila Poziv za nominaciju za nagradu za mlade istraživače Dunavskog regiona - "Danubius Young Scientist Award 2026", za izvanredna dostignuća mladih istraživača u svim naučnim oblastima.

U skladu sa Pozivom za nominaciju za nagradu za mlade istraživače Dunavskog regiona – "Danubius Young Scientist Award 2026", cijeneći uvjete predviđene navedenim Pozivom, kao i postignute rezultate naučno-istraživačkog rada, na prijedlog prodekana za naučno-nastavni rad prof.dr. Mirze Pozdera, dipl.inž.građ., Vijeće je donijelo sljedeću

ODLUKU

I

Odobrava se pokretanje postupka prijave na Poziv za nominaciju za nagradu za mlade istraživače Dunavskog regiona – "Danubius Young Scientist Award 2026", koju dodjeljuje austrijsko Ministarstvo obrazovanja, nauke i istraživanja (BMBWF) i Institut za Dunavsku regiju i Centralnu Evropu (IDM) za izvanredna dostignuća mladih istraživača u svim naučnim oblastima.

II

U skladu sa Poziv za nominaciju za nagradu za mlade istraživače Dunavskog regiona - "Danubius Young Scientist Award 2026", koje dodjeljuje austrijsko Ministarstvo obrazovanja, nauke i istraživanja (BMBWF) i Institut za Dunavsku regiju i Centralnu Evropu (IDM) *nominira se Dr.sc.Muamer Đidelića, dipl.inž.geod., viši asistent na Univerzitetu u Sarajevu – Građevinski fakultet, Odsjek za geodeziju i geoinformatiku.*

III

Ova Odluka o nominaciji Dr.sc.Muameru Đideliću, dipl.inž.građ. uz prilog biografije sa bibliografijom kandidata, te druga potrebna dokumentacija u skladu sa pravilima Poziva, bit će dostavljena Službi za naučno istraživački rad Univerziteta u Sarajevu na daljnji postupak.

Ad/X

Prodekan za finansije prof.dr.Anis Balić, dipl.inž.građ. je istakao da u obavljanju poslova prodekana za finansije ima detaljne, pregledne i transparentne informacije o svim vlastitim prihodima i rashodima, uključujući i prihode od stručnih projekata, zakupa, te rashode za sve namjene, uključujući i adaptacije poslovnih prostora, kotizacija, službenih putovanja, sve razgraničeno po svim odsjecima i katedrama. U cilju sprječavanja širenja neprovjerenih informacija, naglašava da će ukoliko je potrebno, ponovo detaljno prezentirati navedene podatke, kako bi zainteresovani zaposlenici raspolagali sa tačnim informacijama.

Sjednica Vijeća završena u 12.45 sati.

Zapisnik vodila
Sabina Bajrić, dipl.prav.

Sabina Bajrić

02-1-CC3-1/16

15.04.2016

DEKAN

Prof.dr. Samir Dolarević, dipl.inž.građ.

